

ՀՀ ՓԱՍՏԱԲԱՆՆԵՐԻ ՊԱԼԱՏԻ ՄԱՐԶԱՄՇԱԿՈՒԹԱՅԻՆ ԱԿՈՒՄԲՆ ԻՐԱԿԱՆԱՑՐԵՑ ՄԵՐՁԱՄԱՐՏԻ, ԶԵՌՆԱՄԱՐՏԻ և ՄԱՐՏԱՐՎԵՍՏԻ ՍԵՄԻՆԱՐ-ՄԱՐԶՈՒՄՆԵՐ

06.04.2022 19:06



ՀՀ փաստաբանների պալատում
շարունակվում են մշակութային և մարզական
նախաձեռնությունները:

Մարզամշակութային ակումբը 2022
թվականի ապրիլի 05-ին իրականացրեց
մերձամարտի, ձեռնամարտի և մարտարվեստի
սեմինար-մարզումներ: Սեմինարն անցկացրեց
Ռուսաստանի Դաշնությունից ժամանած ՌԴ և ՀՀ
հատուկ ստորաբաժանումների բազմամյա փորձառու
հրահանգիչ, մարտարվեստի և բանակային
ձեռնամարտի գիտակ՝ Արա Շահնազարյանը:

Միջոցառմանը մասնակցեցին նաև
փաստաբանների ընտանիքի անդամներ:

Սեմինար-մարզումները նպատակ ունեին
զարգացնելու տարբեր հմտություններ.

- տարբեր իրավիճակներում ինքնապաշտպանվելու
և մարտ վարելու հմտություն, մարտական
մենամարտերի հնարների կիրառման տեխնիկա՝
մերձամարտ, ձեռնամարտ,
- սառը զենքի՝ դանակ, հրաձգային զենքի՝
ատրճանակ, ինքնաձիգ կիրառման հմտություն,
- ֆիզիկական և հոգեբանական
պատրաստվածության համար անհրաժեշտ առօրյա
վարժություններ:

ՀՀ փաստաբանների պալատի
մարզամշակութային ակումբը նախատեսում է հիշյալ
սեմինար-մարզումներն իրականացնել նաև ս.թ.
ապրիլի 9-ին, որին մասնակցել ցանկացող
փաստաբանները կարող են ներկայանալ առանց
գրանցվելու:

